



Broj: 16-12-16-5883-6 /25
I. Sarajevo, 10.10. 2025. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), na preporuku Komisije za nabavke za potrebe Državne agencije za istrage i zaštitu u 2025. godinu broj 16-12-16-5883/25 od 08.10.2025. godine, u postupku javne nabavke usluga produženja važenja licenci za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke usluga produženja
važenja licenci za potrebe Državne agencije za istrage i zaštitu

Član 1.

U postupku javne nabavke usluga produženja važenja licenci za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, na preporuku Komisije za nabavke za potrebe Agencije u 2025. godinu broj 16-12-16-5883/25 od 08.10.2025. godine, ugovor se dodjeljuje ponuđaču „KING ICT“ d.o.o. Sarajevo, ponuda broj 16-12-16-5883-4/25 od 01.10.2025. godine, za ponuđenu cijenu u iznosu od 41.200,00 KM bez uračunatog PDV-a.

Član 2.

(1) Ponuđač „KING ICT“ d.o.o. Sarajevo, obavezan je ugovornom organu dostaviti dokaze o ispunjavanju uslova iz tačke 10.1. Tenderske dokumentacije.

(2) Dokaze iz stava (1) ovog člana (orginal ili ovjerena fotokopija) ponuđač „KING ICT“ d.o.o. Sarajevo obavezan je dostaviti ugovornom organu, u roku od pet dana od dana prijema ove odluke.

Član 3.

Ova odluka se dostavlja ponuđaču u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Odluka stupa na snagu danom donošenja.

Obrazloženje

Odlukom broj 16-12-16-5883-1/25 od 02.09.2025. godine pokrenut je postupak usluge produženja važenja licenci za potrebe Agencije, na period od jedne godine, procijenjene vrijednosti 41.200,00 KM bez uračunatog PDV-a, za koji je obavještenje o javnoj nabavci broj 1161-2-213-3-70/25 objavljeno na Portalu javnih nabavki 11.09.2025. godine i u „Službenom glasniku BiH“, broj 55/25 od 19.09.2025. godine. Novčana sredstva za realizaciju navedene nabavke obezbijedena su u okviru budžetskih sredstava za 2025. godinu, a na osnovu Instrukcije o privremenom finansiranju institucija Bosne i Hercegovine za period juli-septembar 2025. godine. Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik).

Obzirom da je tačkom 21. Tenderske dokumentacije navedeno da je rok za dostavljanje ponuda 02.10.2025. godine do 12:00 sati, te da se ponude dostavljaju u zatvorenoj koverti, Komisija je dana 02.10.2025. godine u 13:00 sati izvršila javno otvaranje ponuda.

Blagovremeno je dostavljena ukupno jedna ponude i to:

R/B	Naziv/ime ponuđača	Ponuđena cijena u KM bez uračunatog bez PDV-a
1.	„KING ICT“ d.o.o. Sarajevo	41.200,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama (u daljem tekstu: Zakon), sačinila Zapisnik o otvaranju ponuda, koji je u roku od tri dana, od dana otvaranja, dostavila ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja ponuđača, te njegove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuda ponuđača „KING ICT“ d.o.o. Sarajevo ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti i ekonomske i finansijske sposobnosti, kao i formalno-pravne uslove iz Tenderske dokumentacije.

Komisija je od Odsjeka za informatiku, komunikacije i sigurnost informatičkih sistema Sektora za operativnu podršku aktom broj 16-12-16-5883/25 od 03.10.2025. godine, tražila da na osnovu uvida u ponudu ponuđača „KING ICT“ d.o.o. Sarajevo dostave stručno mišljenje u pogledu ocjene tehničkih uslova postavljenih u Tenderskoj dokumentaciji. Aktom broj 16-12-16-5883/25 od 07.10.2025. godine Odsjek za informatiku, komunikacije i sigurnost informatičkih sistema Sektor za operativnu podršku dostavio je stručno mišljenje, u kojem je navedeno da ponuda ponuđača „KING ICT“ d.o.o. Sarajevo ispunjava tehničke uslove postavljene u Tenderskoj dokumentaciji.

Obzirom da je Tenderskom dokumentacijom za postupak javne nabavke usluga produženja važenja licenci za potrebe Agencije predviđeno provođenje e-aukcije u skladu sa Pravilnikom, da je zaprimljena jedna prihvatljiva ponuda, Komisija nije zakazivala e-aukciju u skladu sa članom 4. stav (2) Pravilnika, već je postupak javne nabavke okončala u skladu sa članom 64. stav (1) tačka b) Zakona, primjenjujući kriterij najniže cijene iz tačke Tenderske dokumentacije, te je sačinila rang listu ocijenjene ponude, kako slijedi:

R/B	Naziv/ime ponuđača	Ponuđena cijena u KM bez uračunatog bez PDV-a
1.	„KING ICT“ d.o.o. Sarajevo	41.200,00

Nakon provedenog postupka ocjenjivanja dostavljene ponude, uvažavajući stručno mišljenje Odsjeka za informatiku, komunikacije i sigurnost informatičkih sistema Sektora za operativnu podršku, Komisija je utvrdila da je ponuda ponuđača „KING ICT“ d.o.o. Sarajevo ocijenjena kao najpovoljnija ponuda, te da ista ne premašuje procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se ugovor u postupku javne nabavke usluga produženja važenja licenci za potrebe Agencije, dodijeli ponuđaču „KING ICT“ d.o.o. Sarajevo, kako je navedeno u članu 1. ove odluke.


Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE


Darko Čulum